

新刻醫家必究杏苑生春卷二下

○七衝門

唇爲飛門齒爲戶門會厭爲吸門胃爲賁門太倉下口爲幽門
大腸小腸爲闌門下極爲魄門此爲七衝門也

○七診

七診之法。一靜其心。二忘外慮。三均呼吸。四輕指於皮膚間。採
其臍脉。五微重指於肌肉間。取其胃脉。六沉指於骨上。取其臟
脉。七察病人息數之來也。又法獨大者病。獨小者病。獨疾者病。
獨遲者病。獨熱者病。獨寒者病。獨陷下者病。凡相失之候。診有
七者。此之謂參伍不調。隨其獨異。以言其病爾。

○七表脉狀

浮脉者。按之不足。舉之有餘。乳脉者。中央空虛。兩邊實如葱管。

滑脉者來往流利似數如珠狀實脉者大而長浮沉皆得弦脉者舉之有餘按之如箏弦緊脉者按之實數似切繩狀洪脉者極大指下舉按皆滿

○八裏脉狀

微脉者若有若無沉脉者按之似有舉之全無緩脉者往來時緩少於遲脉濡脉者尋之似有舉之若無前虛後實如輕刀割竹遲脉者呼吸三至往來極遲伏脉者重按着骨乃得濡脉者軟而細散如按水帛弱脉者形似爛綿按之欲絕輕手乃得重手全無

○奇經八脉

凡此八脉不拘於經故曰奇經經有十二絡十五相隨上下何獨不拘於經然聖人圖設溝渠通利水道以備不然天雨下降

溝渠滿溢。當此之時。霧霤妄行。聖人不能復圖也。此脉絡滿溢。諸經不能復拘也。然督脉起於下極之腧。並於脊裏。上至風府。入屬於腦。任脉者起於中極之下。以上毛際。循腹裏。上關元。至咽喉。衝脉者起於氣衝。並足陽明之經。夾臍上行。至胸中而散。帶脉者起於季脇。迴身一周。陽蹻脉者起於跟中。循外踝上行。入風池。陰蹻脉者亦起於跟中。循內踝上行。至咽喉交。貫衝脉。陽維陰維者。維絡于身。畜溢不能環流。漑灌諸經者也。故陽維起於諸陽之會。陰維起於諸陽之交。比于聖人圖設溝渠。溝渠滿溢。流于深湖。故聖人不能拘通也。人脉隆盛。入於八脉。而不環周。固十二經亦不能拘之。其受邪氣畜。則腫熱。砭射之也。然陽維維於陽。陰維上於陰。陰陽不能相維。則悵然失志。溶溶不能自收。持陰蹻爲病。陽緩而陰急。陽蹻爲病。陰緩而陽急。衝脉

爲病。逆氣裏急。督脉爲病。脊強而厥。任脉爲病。其內苦結。男子
七疝。女子瘕聚。帶脉爲病。腹滿腰滯。溶溶若坐水中。陽維爲病。
苦寒熱。陰維爲病。苦心痛。此奇經八脉之爲病也。

○八風

從東方來。名嬰兒風。其傷人也。外在於筋。內舍於肝。從東南方
來。名曰弱風。其傷人也。外在於肌肉。內舍於胃。從南方來。名曰大
弱風。其傷人也。外在於脉。內舍於心。從西南方來。名曰謀風。其
傷人也。外在於肉。內舍於脾。從西方來。名曰剛風。其傷人也。外
在於皮。內舍於肺。從北方來。名曰折風。其傷人也。外直手太陽之脉。
內舍於腎。從西北方來。名曰折風。其傷人也。外直手太陽之脉。
內舍於小腸。從東北方來。名曰凶風。其傷人也。外在於腋脇。內舍
大腸也。

○八會

腑會太倉。臟會季脇。筋會陽陵泉。髓會絕骨。血會膈腧。骨會大杼。脉會太淵。氣會上焦。外一筋。值兩乳內熱病。在內取其會之氣穴也。

○九道脉狀

長脉屬陽。按之如持長竿。過於本位。短脉屬陰。指下尋之不及本位。虛脉屬陰。指下尋之不足。舉之亦然。促脉屬陽。指下尋之極數。併居寸口。漸加卽疾。漸退卽生。結脉屬陰。指下尋之。或來或去。聚而卽還。代脉屬陰。指下尋之。動而復起。再再不能自還。牢脉屬陰。指下尋之。卽有。按之卽無。動脉屬陽。指下尋之。似有。舉之全無。再再尋之。不離其處。不往不來。細脉屬陰。指下尋之。細細如綿。來往極微。

○九候

一者天。二者地。三者人。因而三之。三三成九。以應九野。邑外爲郊。郊外爲甸。甸外爲牧。牧外爲林。林外爲坰。坰外爲野。言其遠也。九野爲九藏。上部天。兩額之動脈在額兩傍。足少陽脈以候頭角之氣。上部人。耳前之動脈以候耳目之氣。上部地。兩頰之動脈在鼻孔下兩傍。足陽明脈以候口齒之氣。中部天。手太陰肺脈在掌脈。寸口中以候肺。中部人。手少陰心脈在掌後銳骨之端。神之分以候心。中部地。手陽明大腸脈在手大指次指攻骨間。合骨之分以候胸中之氣。下部天。足厥陰肝氣在毛際外。失羊下一寸半。女子在太衝。足大指本節後以候肝。下部人。足太陰脾脈在魚腹上。越筋間。直五里箕門之分以候脾胃之氣。下部地。足少陰腎脈在足內踝後跟骨上陷中以候腎也。

○九藏

神藏者。肝藏魂。心藏神。脾藏意。與智。肺藏魄。腎藏精。與志。以其皆神氣居之。故云神藏五也。形藏者。一頭角。二耳目。三口齒。四胸中也。所謂形藏者。皆如器外。張虛而不屈。合藏於物。故云形藏四也。合之爲九。而爲九藏也。

○九藏

虛實之要。九鍼最妙者。爲其各有所宜也。熱在頭身。宜鑱鍼。肉分氣滿。宜員鍼。脉氣虛少。宜鍤鍼。瀉熱出血。發泄痼病。宜鋒鍼。破癰腫。出膿血。宜鉋鍼。調陰陽。去暴痺。宜員利鍼。治經絡中痛痺。宜毫鍼。痺深居骨解。脛脊節。腠之間者。宜長鍼。虛風舍於骨解。皮膚之間。宜大鍼。此之謂各有所宜也。其形狀在濟生拔粹方中。

○九蟲

一曰伏蟲。長四分。爲羣蟲之長。二曰白蟲。長一寸。相生至多。其母最長。則殺人。三曰肉蟲。狀如爛杏。令人煩懣。四曰肺蟲。其狀如蚕。令人咳嗽。五曰胃蟲。狀如蝦蟇。令人吐逆嘔噦。六曰弱虫。狀如瓜瓣。令人多吐。七曰赤蟲。狀如生肉。令人腸鳴。八曰蟻蟲。至微細。狀如菜蟲。居洞腸間。多則爲痔漏。癰疽諸瘡。無所不爲。九曰蛭蟲。長一尺。貫心則殺人。又有戶蟲。與人俱生。狀如馬尾。或如薄筋。依脾而居。長三寸許。大害於人。然諸蟲多因臟氣虛弱。勞熱而生。有血驚蟲。亦因胃虛。食物消化不盡。瘀積而生。食人心腹。疼甚惡心。口吐清水。面黃體瘦。好喫泥灰。生米茶塩薑椒等物。用殺蟲藥餌治之。其蟲自初一日至初五日。頭向上。服之最驗。惟有肺蟲居於肺葉間。蝕肺系。故成勞瘵。咯血聲嘶。及

尸蟲通神。藥所不到。治之爲難。又有應聲蟲。每語喉中。如有物作聲相應者。有人教誦本草。至雷凡則無聲。乃頓服數枚而愈。後人俱以是法治効。

○九竅

夫五臟者。上下關於九竅也。故陽竅七在上。陰竅二在下。以鼻爲肺之閭闔。吸引五氣。內臟和平。香臭必辯。目爲肝之竅。臟氣充實。精明全備。目舉而黑白分。口爲脾之候。脾氣和而忻知穀味。舌者心之應。神宇泰定。食入於口。五味皆知。腎竅上通於耳。下貫二陰。元氣內充。上而五音必辨。下則傳送安調。期五臟各得其平者然也。倘失其和。則氣壅而九竅不通矣。若六腑之氣滯滯不流。榮血壅聚。發爲癰疽也。

○九氣爲病

怒則氣上。喜則氣緩。悲則氣消。凡則氣下。寒則氣收。熱則氣泄。驚則氣亂。勞則氣耗。思則氣結。九氣不同。何病之生也。怒則氣逆。甚則嘔血及殮泄。故氣上矣。喜則氣和。志達。榮衛通泰。故氣緩矣。悲則心系急。肺布葉舉。而上焦不通。榮衛不散。熱氣在中。故氣消矣。恐則精却。却則上焦閉。閉則氣還。還則下焦脹。故氣下矣。寒則腠理閉。氣不行。故氣收矣。靈則腠理開。榮衛通汗大泄。故氣泄矣。驚則心無所倚。神無所歸。慮無所定。故氣亂矣。勞則喘息。且汗出。外內皆越。故氣耗矣。思則心有所存。神有所歸。正氣留而不行。故氣結矣。

○十變

一脈爲十變者何。五邪剛柔相逢之義也。假令心脈急甚。肝邪于心。心脈微急者。胆邪于心。小腸。心脈大甚者。心邪自于心。心脈

微大者。小腸邪自于小腸。心脉緩甚者。脾邪干心。心脉微緩者。胃邪干小腸。心脉瀦甚者。肺邪干心。心脉微瀦者。大腸邪干小腸。心脉沉甚者。腎邪干心。心脉微沉者。膀胱邪干小腸。五臟各有剛柔邪。俱能一脉。輒變爲十也。

○十法治病

下則踈豁閉塞。補則益助虛乏。灸則起陰通陽。鍼則行榮引衛。導引則可以遂客邪於關節。按摩則可以駐浮淫於肌肉。蒸熨則辟於澡洗。則先陽悅頰。則爽神和緩。則安氣。

十二經絡

手少陰心經絡脉。起於心中。出屬心系。下膈。絡小腋。其支者。從心系上俠咽。系目系。其直者。復從心系。卻上肺。出腋下。下循臑內後廉。行太陰心主之後。下肘內廉。循臂內後廉。抵掌後兌骨。

之端入掌內後廉循小指之內出其端。

手太陽小腸經絡脉起於小指之端循手外側上腕骨出踝中直上循臂骨下廉出肘內側兩骨之間上循臑外後廉出肩解繞肩脾交肩入缺盆。何腋絡心循咽下膈抵胃屬小腸其支者從缺盆貫頸上頰至目兌眦却入耳中其支者別額上頤抵鼻至目內眦斜絡於顙。

足厥陰肝經絡脉起於大指聚毛之際上循足跗上廉去肉踝一寸上踝入寸交出太陰之後上臑內廉循古入陰毛中環陰器抵小腹俠胃屬肝絡胆上貫膈布脇肋循喉嚨之後上入頤頤是懸壅兩傍肉及氣之泄也連目系上出額與督脉會於顙其支者從目系下頰裏環唇內其支者復從肝別貫膈上注肺中。

足少陽膽經絡脉起於目兌眚上抵頭角下耳後循頸行手少陽之前至肩止却交出出于少陽之後入腋盆其支別者從耳後入耳中出走耳前至目兌眚後其支者目兌眚下大迎合手少陽於頰下交頸車下頸合缺盆下胸中貫膈絡肝屬胆循脇裏出氣街繞毛際入髀髁中以下循髀太陽出膝外廉下外輔骨之前輔骨在臑中直下抵絕骨之端下循外踝之前循足跗上入小指次指之間其支者從跗上入大指循岐骨內出其端還貫入爪甲出三毛

足太陰脾經絡之脉起於大指之端循指內側白肉際過竅骨後上內踝前廉上臑內循胛骨後交出厥陰之前上循脉股內前廉入腹屬脾絡胃上膈俠咽建舌本散舌下其支者復從胃別上膈注心中

足陽明胃經絡之脉。起於鼻交頰中。下循鼻外。入上齒中。還出
俠口環唇。下交承漿。却循頤後。下廉出大迎。循頰車上耳。前過
主人。循髮際至額顙。其支者。從人迎前下。人迎循喉嚨入缺盆
下膈。屬胃絡脾。其直行者。從缺盆下乳內廉。下俠臍。入氣街中。
其支者。起胃下口。循腹裏下。至氣街中。而合以下髀關。抵伏兔
下膝臑中。下循胫外廉。下足跗。入中指內間。其支者。下膝下三
寸而別。以下入中指外間。其支者。別跗上入大指間。出其端。
手太陰肺經絡之脉。起於中焦。下絡大腸。還循胃口。上膈。屬肺。
從肺系橫出腋。下。下循臑內行。少陰心主之前。下肘中。循臂內
上骨下廉。入寸口上魚。循魚際。出大指之端。其支者。從腕後直
出次指內廉。出其端。

手陽明大腸經絡之脉。起於大指次指之端。循指上廉。出合谷。

兩肩之間。上入兩筋之中。循臂上。廉入肘。外廉循臑內前。廉上肩。出鵠肩之前。上出柱骨之會。上下入缺盆。絡肺下膈。屬大腸。其支者。從缺盆上頸。貫頰。下入齒縫中。還出俠口。交人中。左之右。右之左。上俠鼻孔。

足少陰腎經絡之脉。起於小指之下。斜趣足心。出然谷之下。循內踝之後。別入跟中。上腠內。出臑內。廉上股內。後廉貫脊。屬腎。絡膀胱。其直者。從腎上貫肝膈。入肺中。循喉嚨。俠舌本。其支者。從肺出絡。心注胸中。

足太陽膀胱經絡之脉。然起於目內眥。上額交巔上。其支者。從巔至耳上角。其直者。從巔入絡腦。還出。別下項。循肩膊內。俠脊抵腰中。入循膂絡。腎屬膀胱。其支者。從腰中下。會於後陰下。貫臀入臑中。其支者。從臑內左右。別下貫腓俠脊內。過髀樞。循髀。

外。後廉下合。膈中。下貫膈。內出外踝之後。循京骨至小指外側端。

手厥陰心包經絡之脉。起於胸中。出屬心包。下膈。歷絡三焦。其支者循胸。出脇下腋三寸。上抵腋。下循臑。內行太陰少陰之間。入肘內。下臂。行兩筋之間。入掌中。循中指。出其端。其支者從掌循小指次指。出其端。

手少陰三焦經絡之脉。起於小指次指之端。上出次指之間。循于表腕。出臂內兩骨之間。上貫肘。循臑外。上肩而交。出足少陽之後。入缺盆。交臑中。散絡心包。下膈。偏屬三焦。其支者從臑中上出缺盆。上項。俠耳後直上。出耳上角。以屈下頰。至頤。其支者從耳後入耳中。出走耳前。過客主人前。交頰。至目兌眦。

○十二經見證

足太陽膀胱見證

頭苦痛 目似脫 頭兩邊痛 淚出 臍皮出 下腫

便膿血 肌肉痿 項似拔 小腹脹痛按之欲小便

不得

足陽明胃經見證

惡人與火聞木聲則驚 狂上登而歌棄衣而走

顏黑 不能言 唇胗 嘔 呵欠 消穀

善飲 頸腫 胸傍過乳痛 口喎 膺乳

冲腹伏兔胛外廉足胛皆痛 腹大水腫 奔响

腹脹 跗內廉胛痛 膝臄腫痛 脾不可轉咽

似結胸似裂 遺溺失氣 善伸數欠 癰疾

濕浸 心欲動則閉戶獨處 身前熱身後寒慄